

皇清文穎續編

皇清文穎續編卷五十七

詩

樂府

臨雍講學雅二篇

謹序

阿桂

上紀元之五十載太歲旃蒙夾鍾月上丁有事於

文廟自諸王大臣暨百執事衍聖公四氏博士徠

與陪祀釋奠禮洽

上御黼倫堂更袞衣

親莅辟雍樂奏盛平之章班侍翼翼大學士祭酒以

次陳講

天語闡宣義揭星日橋門祇聽渙如饜如飴以謂自
生民以來傳心之道與傳道之政未有盛於我
皇上也瑞符之合福應之懋亦未有盛於我

皇上也廣宴千叟

祖武繩焉粹毓重孫孫謀裕焉旣以月正元日覃賁
恩詔敷錫臣庶與天下普慶罔斁而落成辟雍茲逢

其會曰

臨曰

講名與實敦用廣

德心免貢監生課程一月增明年京兆試解額利用

賓於王越三日

宴執事官於禮部典隆軌誼遠越舊章故曰禮樂
之大百年而後興自西自東自南自北無思不
服非法天行健緝熙敬止之至詣孰能與於此

臣竊聞古始立學必釋奠於先聖先師蓋釋幣
曠舉釋菜數舉惟釋奠較得其中其時有學無
廟後乃卽廟立學周公孔子顏子遞爲先聖先
師焉今天下府州縣學皆依太學之制以黃瓦
覆

大成殿奉

至聖先師孔子之神廟之前鑿池半規謂之泮池
則天子曰辟雍諸侯曰泮宮之義也以諸侯之

學之池如半珪知天子之學之池如璧以諸侯
之學之宮曰泮宮知天子之學之宮曰辟雍雍
通作雝亦作廡其訓辟爲明訓雍爲和爲壅水
殆陋儒附會之說考文證義多不合也第府州
縣學有半池而太學未有園池自至元立學以
還必待

君師合一之統宏樹規儀垂示無極以彰

教思以協福紀王道之實功聖神之能事咸速恒久

不其韙歟夫辟雍泮宮見於王制而始於詩之
雅頌朱子之釋靈臺曰辟璧通離澤也天子大
射行禮處又曰蘇氏引莊周云文王有辟雍之
樂疑辟雍爲樂名臣伏思天子於學行禮必大
合樂要不得卽以辟雍名樂至習射獻囚養老
諸禮行之於學不必槩行之於辟雍辟雍者澤
宮之別名澤宮者今

辟雍之懿制彼詩疏所云水圓而內有地水下地

高故以邱言之曷若卽地作殿之爲得其正也
昔魯頌言泮宮大雅言辟雍後之人形容盛德
頌多雅少

天子視學於雅爲宜臣不揣固陋擬雅二篇拜手稽
首獻焉

有雍美

天子監古肇制於太學鑒池象璧也

有雍設學重天子邦若庠序校環以川融崇樂備禮

聖清緝熙曰

天作

君曰

天作

師一章

翼翼禮殿有瓦載黃秩秩講舍有槐載榮于廟告崇

于學昭典申考三雍司空

命建二章

面勢巡度彛倫之陽按矩準步周圍無方言導璿源
相彼圖折其淳淵淵其濔濔濔 三章

北地深厚委輸有請何以養之不窮惟井乃縷乃汲
稟言

鑒裁俯仰游沂人涵

聖涯 四章

維石有渠制昉漢京醴渠繕堤治河是成我

皇度工因小喻大旋邱覆土環流如帶 五章

鷺斯在梁其翼振振秉心精白士也德進芹斯藻斯
匪沼乃池

皇協天體日儀月儀

六章

鐘鏞賁鼓於樂辟雍中和韶奏陋彼泮宮明堂靈臺

議禮非一

皇時監之循責名實

七章

日華星爛落成

紀成穹碑載峙中天文明自元迄今五百餘歲必

聖人起稽古闕議

八章

右有雍八章章八句

蒞講美

天子釋奠禮成講道辟雍也

蒞學思服學必立廟

聖萬世師功崇德報

皇諏簪人吉蠲上丁銷鸞茂旗朕往舍萌

一章

樂奏告闕我

皇袞衣莘莘就列于雍東西自王公卿

聖裔賢裔迨爾生徒三千餘計

二章

維心正符敬德祇訓

皇揆道同仁孝慈信運貞衍元健行有常維

皇御天與天時行

三章

序講有秩以書以經

玉音載宣肅肅跼聆退就橋南雲韶廣奏式

宴以醑豈惟教胄

四章

業精行成

資金示惠書賢與能額廣秋試百禮孔治地負海涵

恩言如春嘘我環林

五章

三老五更袒割備養于學舉行

皇闕其妄厥有耆宴首春舉焉于

殿于

廷繩

武萬年

六章

昌後燕天五福

五代顯思繹思保世元會

帝臨講學軼于成周匪直豐芑而頌貽謀
七章

維

仁貴敦累土肖之維

智貴圓臨水樂之橋門恪事臣罔不恭
臣領記載述

時有雍

八章

右

莅講八章章八句

臨雍講學雅八章

謹序

朱珪

皇上智臨天下壽育仁壽

制作明備

教思无窮乾隆五十年辟雍工成

御製國學新建圓水碑記

揭宣精義二月上丁釋奠

先師遂

臨其地講學皇哉邁古之

盛典也

臣

謹案辟雍之制權輿周文義取明和鄭康

成以爲諸在辟雍中者感於中和之至也壅水
示圓卽靈沼也及武王建之鎬京遂爲天子之
學然說經者不一莊周言文王有辟雍之樂古
者以樂教胄子則樂卽所以教也以其有臺囿
池沼則以爲在西郊然西郊虞庠也以其與濤
廟太廟明堂太學異名而同事則蔡邕以爲其

實一也以其行饗射養老於中則朱子以爲雍
如振鷺之西雝卽澤宮也然天子之學小學在
外大學居內則以爲與成均並建於一邱之上
也故堂方法坤屋圓效乾方徑則九六之數闡
宮戶牖象卦辰之變通天屋高黃鍾之實也環
水四周海流之富也漢兒寬稱武帝祖立明堂
辟雍河間獻王獻雅樂對三雍宮然考武帝所
立者公玉帶之昆侖非太學也至劉向因韃爲

郡得古磬說成帝興辟雍設序庠其時案行長
安城南營表未作光武中興乃營立明堂辟雍
顯宗躬行其禮史參園橋之衆者也然班固禮
樂志以爲威儀旣盛美矣而庠序尙未設翟酺
言明帝時辟雍始成欲毀太學太尉趙熹以爲
宜兼存之則是辟雍與學爲二徇其名而無其
實也唐歸崇敬言宣武帝臨辟雍行鄉飲酒禮
別立國子學以殊士庶今辟雍獨闕請以國子

監爲辟雍省當時憚於改作迄未施行宋崇寧
元年卽城南門外營外學爲辟雍乃在上舍內
舍之亞然則自兩漢洎晉唐宋議制紛囋舉典
疎濶皆不合於明倫之實大雅之誼元至元丁
亥始立國子學於北城之東而辟雍未建訖五
百年於茲曠如也

皇上稽古揆時濬源規地連乎自周以來越三千年
而辟雍與太學復合爲一豈不偉哉且夫文武

功德福祚教養之純樸而懿備未有盛於

今日者也

聖學緝熙光明四庫之全徧入

乙覽所在分建七閣則書在上庠韓詩所謂立明堂
於中五經之文所藏處者不足言也

聖武天授再平金川闢地西北二萬里告成之碑四
建於學則記所謂以訖讖告者不足多也

古稀天子

五代一堂則詩所謂貽厥孫謀以燕翼子者無以加也今年上春

特舉千叟宴於

乾清宮

大賓耆耄三千人外及朝鮮之使則禮所稱四代養國老庶老之制隘矣至於尊三兄五卮言日出何當於成均東序之旨哉辭而闕之廓如也臣又按記云學之爲父子焉學之爲君臣焉

皇上以身教天下純正安止立人倫之極歲省日新
至誠無息

體天行之健大學之至善大易之乾元惟我

皇上躬行而心得故發爲

御論深切精微羣臣士庶至於海表陪隸傾下風而

翕然醴懌所謂自西自東自南自北無思不服
者惟

天子身度聲律故心悅誠服之至也

臣受

恩禁近仰望

穆光榮幸抃躍不能形容

德業之萬一竊作雅詩八章章十六句附於永言蹈
舞之末拜手稽首以獻其詩曰

帝德純矣承

天靡民

成教悠久作

師作

君禮理樂樂昭明和訢五帝之學厥惟成均命夔以
來道在周文亶亶穆穆不已其勤雅有辟雍靈沼齋
齋曠典千載待我

聖人一章

聖人揆聖蹈孔憲周五謁

闕里泗洙交流將將國學庭空樹樛元造明因五百
春秋淵泉弗濬曷鏡曷游乃

命鳩工園鑿肇修緇井用甃勿幕其收石梁四達奚

事造舟 二章

厥沸園水中爲辟宮闢門十二環洲玲瓏經始癸春
告成甲冬乾規坤築日星冲融

帝抒大文稽古折衷匪襲收昇升繪火龍久速時措
節儉道崇三五祖割鯁彼榮躬 三章

元日

詔下

恩覃九有宴老

三才圖會卷之三
內朝三千其叟中春丁亥辰在姬口

帝駕蒼龍鼓徵鍾扣

升堂合樂

釋奠用佾舞詠蹕調球絲穆眎登俎馨蘋祝帛燎標

德盛禮恭尊

師尚友 四章

乃

臨辟雍鏡光雪瑩

帝發德音圜橋觀聽人倫之孚慈仁孝敬匪循其名
精義希聖惟

聖法

天園輪無竟

緝熙在心

宵旰在政一日萬年以篤

天命桴鼓之聲海隅敬應

五章

帝敷文教天人大觀

御製四集雲章萬番

文淵源津溯匯宗瀾北極星石辨黃河源學校之廣
熱河玉關卽今國學前稽至元辟雍之興越五百年

光於豐鎬觀此灣環

六章

帝成大功

允文

允武止戈并絡金川架阻犁庭伊犁降汗夷組遂下
城郭日入之部和闐崑崙歸我版土再平蜀徼掃蕩

伏莽

告成於學穹碑列庶微斯岐陽魚貫十鼓

七章

天佑

皇帝壽祺康強健行不息

古稀方將既受

純嘏繩繩有常本支千億

燕貽一堂璧潤比德澤流孔長君臣父子之紀之綱

教育天下和雍明光

皇帝晏壽與

天無疆 八章

臨雍講學雅三篇 謹序

陳嗣龍

欽惟我

皇上文思光被久道化成太和之氣翔洽萬寓自熱
河以訖新疆凡增置郡縣之區皆爲建黌舍設
儒官以董勸之

仁漸義摩風動時雍於鑠乎

德教之盛爲前古所未有迺復

念國學爲首善之地溯元明以來五百餘年辟雍未

建名與實或不相稱也

命復古璧水之制疏沼構

殿用表規裏矩以崇範乎天下工旣竣歲旃蒙之

仲春

皇上親詣

文廟釋奠收收焉穆穆焉自堂至基祭菜舞籥衍

聖公及卿尹庶司先賢後裔翼而從罔敢不祇
肅協氣所召祥雲告豐

皇上迺御辟雍殿講筵進多士而

申訓之闡經奧發天苞邇矣哉

斟元瞰樞實有未易專緒者矣臣昔由選拔入成均

蒙

恩擢眞上第授職詞垣茲獲偕侍從諸臣趨陪

盛禮飫聆

聖訓心悅誠服莫可名言竊惟辟雍之制始於姬周
其名數見於詩之大雅

國家版圖式廓靡遠弗屆視周詩之所稱西東南

北奚啻數十倍焉

臣

不揣軫陋謹擬雅三篇以

獻

皇建志經始也

上德化覃洽禮樂大備

命建辟雍以昭隆軌焉

皇建其極文治通昌我我

國學萬方之綱爰作辟雍麗於周京叶以象

聲教四海攸同

叶一章

迺

詔度支迺

詔司空俾飭厥材俾鳩厥工範疇模載園外方中壯

我

天邑咆我

皇風 二章

其水維何并冽是資汲以修綆承以文螭瑤源東注
圓折成池淵泉時出浩乎

聖涯 三章

翼翼

丹殿峙於中央澄流環鏡修虹亘梁

皇闈四闢泰階維平

叶

執一表正斗車運匡

四章

虞業既煥賁鏞既森樹之坊表欽哉

德音惟學海是探惟

教澤是覃於論於樂以泳以涵

五章

聖謨洋洋示以崇矩惟名與實或賓或主既斟酌於今亦酌於古古不可泥

敬繩

祖武服物采章惟秩惟敘億萬斯年受

天之祐

六章

右

皇建六章五章章八句一章章十二句

諏日志

聖敬也辟雍告成

上親釋奠于

大成殿昭

崇儒重道也

諏日吉亥協于上下萬用入學典紀夏正我

皇尊道

文廟展敬

叶

至德惟誠

至治惟馨

撫謙隆禮超軼前經

一章

元正

覃慶

命飭專官致祀

闕里潔薦豆籩

皇心齋肅

巽命重宣觀成園水

祇謁申虔

鑾輅莅止瑞應駢聯

二章

嘉薦迺修大樂迺作工奏登歌佾舞羽籥翕如純如

聲金振玉

叶

和風允諧

聖容穆若

三章

輔臣分獻左右以次襄成之裔遙來陪位爰自庶尹
暨百執事濟濟蹒蹒欽瞻

盛懿

四章

昔歲己丑

國學維新

詔頒十器周范用章

叶

維鼎維卣維罍維尊壺觚爵

洗簠簋具陳輝映兩楹郁郁乎文

聖敬日躋復茲致寅

五章

冬序欲數煌煌

訓辭如建盛典必待乎時三獻之禮二仲爲期每

告成績

親舉崇儀維儀之崇維

性之彌

心法治法

作君作師 六章

右誦日六章二章章十句二章章八句二章

章十二句

敷言欽

聖教也

上莅辟雍宣敬止健行之義爲天下立道也

敷言是訓

教思孔殷宣昭

御論精義入神天人以貫

輝光日新率俾多士莫不尊聞

一章

惟

聖緝熙敬德孔彰懋敦人紀

示民有常

仁敬孝慈信及萬邦

叶

萬邦之孚

一人之慶

二章

惟

聖健行惟

天是則悠久以成至誠無息惟時惟幾孚純劭德

思曰孜孜萬年立極

三章

橋門雍雍冠帶肅肅奔走偕來惟

聖人樂育維禮斯陶維樂斯淑式舞且歌無思不服
四章

作人惟

皇保樂洽壽錫福無疆引年由

舊瓜瓞其緜松柏其茂

衍羨引康洪延

純佑 五章

芄芃棫樸萃萃梧桐我

皇茂對仁洽道豐

詔爾多士實用是崇勗哉

廷獻熙績亮功 六章

右

敷言六章章八句

太上皇帝紀元周甲授受禮成樂歌八章 謹序

周系英

臣聞樂以飾喜歌以永言形氣旣孳唱於已蘊
惟聖神首出陶冶萬流風雨時至嘉生茂育醲
修醲化淪浹人心其時戴圓履方之倫負陰抱
陽之屬霑被膏澤含沈和氣隨其聲音作爲謳
頌若祁姚之世十瑞顯符廷奏卿雲野聆擊壤
著於篇籍可得而稽迺至搏拊拊隔之節民神
禽鳥之般被聲表慶綏眉介祉抑又蕃矣欽惟

太上皇帝闡繹崇深博恩遠撫

誠以至而無息

道以久而化成文教涵濡武義光鑠繁禧懋輯和神

寧人禮樂之作則際校上下砥屬之地則倍萬

前古惠液滲漉於九州洪輝焜耀於億禩溯自

首祚逮於今茲數甲子而一周紀丙辰而再值

壽祺中翼

聖體康彊

耄念益勤

乾行長健顧惟

初願之虔格於

蒼昊是用祇承以答

嘉貺遂以正月朔旦式舉

茂典

親授心傳丕隆

基緒大禮旣具

恩言載宣於時薄海內外上自王公下逮氓庶兒齒
燕於廷童牙僂於巷莫不綴文述藻聆缶撫轅
攄寫懽誠詠歌

盛德

臣

濫竽詞垣不揣樛昧亦思勉竭悃愚對揚

景運竊謂四始以來雅頌之作起於殷周未足以參
貳兩儀準繩十紀由勲華而上樂章罕漫賡歌
之外載籍無徵唐元結補作數篇處趣起之世
摹皇古之辭遐慕徒勤貞期難對今

太上皇帝邴德全福與

天同體攷諸前策難以相方惟遠徵三五之初庶或有萬一之稱是用取其名義擬撰八章補演舊

文附麗

皇道義同夏箴之九成數合葛天之八閔謹拜手稽首以獻其辭曰

緊必義兮佃漁興畫八卦兮作結繩

聖人御宇兮洽治平溥美利兮厚民生撫四方兮慝

萬靈同文絕域兮開文明廣屯田兮普爾行嘏
踵兮頌

聖清功加宓義兮無能名

右擬宓義氏網罟樂歌

神農氏作耒耜施兮乃分草實均四時兮我

皇劭農念耕耔兮占晴課雨繫

睿思兮四推

躬耕賦禾詞兮精感

昊鑒五躔來兮疊免賦牒蠲逋貲兮凡億萬萬數莫
稽兮黎庶鼓腹安且怡兮於萬斯年慶豐綏兮

右擬神農氏豐年樂歌

黃帝之德兮如雲涿鹿行師兮康斯人於鑠

聖武兮功十全拓準疆兮及和闐一再定兮雨金川
瀛波靜兮南交安揮國畏威兮廓喀連綏多祐兮溥
八埏

時巡兮觀民治河海兮慶晏澗

皇之仁兮如

天天下康寧兮億萬年

右擬軒轅氏雲門樂歌

淵泉如淵遠且深兮發爲溥博廣德心兮穆穆

至聖感至誠兮聰明睿知日照臨兮寬裕溫柔

恩沃漸兮發強剛毅十全兼兮齋莊中正敬勝箴兮

文理密察四知湛兮

熙政錫福調和甘兮八荒暨訖通鯨鰲兮凡有血氣

尊親咸兮大哉

聖德

天心監兮

右擬少昊氏九淵樂歌

德有根莖兮惟德之原

聖德至兮安安闡洪範兮五福全讀召誥兮一敬詮
明乾象兮日乾乾論至誠兮不已純書無逸兮勵政
勤說創守兮凜其難開衆惑兮信

天訓節儉兮風俗淳煌煌

聖德兮見諸言

示法守兮億萬年

右擬顓頊氏五莖樂歌

總六合兮英華敷禮樂文章兮道爲樞

聖人制禮兮纂爲圖考古器兮豆籩殊定詩譜兮官

商符文千餘篇兮詩五萬餘彙四庫兮七閣儲石經

刊兮岐碣俱五經試士兮

教澤濡西陲立學兮同密塗英華盛兮古所無

右擬高辛氏六英樂歌

昊絳契兮

誠孚昭

茲祀肸蠭兮風雨調迪

前光兮志懃翹率

舊典兮彌塞郊日

萬幾兮厘昊朝熙庶績兮協泰交綏億兆兮容并包

益長裕兮敷

恩膏大哉

帝德兮邁帝堯

右擬陶唐氏咸池樂歌

治功成兮巍巍高泰平三登兮奏九韶舉

上儀兮

御正朝

授心傳兮超祁姚光華復旦兮慶霽在霄

膺蕃釐兮玉燭調廷有頌兮衢有謠

聖壽億萬兮

天眷昭

右擬有虞氏大韶樂歌

臨雍講學雅九章

謹序

平恕

臣

謹案虞書九功惟敘九敘惟歌左氏以爲九

功之德皆可歌也謂之九歌九功皆謂之德者

蓋本於聖神文武之德臯陶謨又析言之而以

四德教胄子教胄之命合於典樂申以詩歌所謂勸之以九歌也竊意勲華盛際備有篇什以揄揚巍煥振德斯民第未有雅頌之名至周而辟雍諸詩定爲大雅然則歌九德者宜歌雅也

我

皇上體乾德之元膺異德之

命懋修念典日新又新元年上丁

親祀上庠三年春復

詔臨雍講學於時矜篋之士耆耄之儒相與稱曰古
視學之禮什百存一二三代而後無足觀采我
朝尊師重道振古莫儼

世祖皇帝肇造區夏載戢干戈首舉

臨雍禮以示敷洽

聖祖

世宗告功勒成垂耀萬古牲幣之薦史不絕書加隆
三獻晉爵五王改平立不跪之儀定稱幸爲詣

之制

太上皇帝詔崇黃瓦鼎飾廟堂釐正榜額頒周範秘
器勒石經十有三太學承德府學皆刻新石鼓

十

創建辟雍

翠華臨講規制大備茂矣美矣

皇上繼天出震紹統君師操之爲至德要道而發之
爲盛德大業在氓庶聽觀之中者循厥大端可

畧而噉焉克明峻德斷自帝典允執遞咨演爲
心法虞受終於唐而非繼體夏與賢於子而非
倦勤上溯碧盧下迄懷斗雖迭辟繼道而盛事
莫徵

皇上協德重華迪

天格保

軒皇之紀周甲

堯父之命重申丙辰正月上日

授受禮成傳精一爲燕翼繼文思爲作述天下莫不
竦身戴聽以承德意軒舞饗鼓極於青北九陽
荒邈之所際此宜歌者一也古國學養老爲其
近親乞言憲典所以教孝夫尊親之至莫大乎
以天下養

皇上承

歡導豫視無形而聽無聲當始

命踐阼之初摠誠上懇

籲屈

百齡而後舉典

聖志既定

穹聽旣孚遂勉奉丕基勤思肯構養

志之大也率作省成兢兢業業善述之明也叟筵重

舉宴國老庶老八千人掖

輦行慶雲布雨沛錫類之仁也

大德受命教敬教愛奉

長壽於億萬斯年廣

孝治於垓垓四極而適饌省醢執爵袒割之彌文掇
而弗取此宜歌者二也

太上皇帝與天合德剛健粹精顧誕寅承六十餘年
如一日

皇上欽崇昭事味爽丕顯春而

祈穀夏而

雩雨冬則大報奉若對越有嚴有恪至若裡宗望秩

皆誠敬之推格契昭明之有融

天佑一德全付所覆無思不服此宜歌者三也詩靈
臺言民始附繼文以下武繼伐以有聲皆以繩
武適追爲立學教民之本

皇上虔奉

詒燕祗承

世德

寶錄大訓日切紹聞率典迪光本諸

家法故能受萬年之祐來四方之賀此宜歌者四也
太上皇帝宵旰勵躬乾惕勵心海隅出日丕單稱德
皇上懋昭建中握幾表矩亶亶穆穆爲綱爲紀日奉
訓於

膝前而措諸四海流行速於置郵廣運格於上下此
宜歌者五也

太上皇帝敷大德於天下普免天下正賦者五普免
天下漕糧者三普免天下積欠者一其餘蠲賑

貸予動以億千萬萬計雨暘應乎

念用豐綏極於邊屯

皇上猶視之如傷保之若赤

蹕路所經輒有賜復徧隅偶歉

恩命疊宣至若軫輓運之微勞念偕作之纖效普加

除豁兼及來年若司祿益食司金益富民用大

和徧爲爾德此宜歌者六也古者執訊獻醜必

告於學

太上皇帝邁湯征之十一軼夏服之五千拓疆海西
洗兵天外大凱迭奏通譯數萬

天章勒銘豐珉林立餘若土爾扈特安南緬甸廓爾
喀之歸降暎咭喇荷蘭之朝貢番回逆黨之殲
滅咸弗肯侈大其事且堯舜之禪也內有竊窺
鑿齒太風九嬰之屬以爲民害外則苗民逆命
頑弗卽工陳師舞羽僅乃勝之嘉慶初元有苗
弗率越載而擒渠擣穴迅卽蕝功武有七德保

大安民此宜歌者七也政教所始肇自泰皇堯
立四學煥乎文章舜作米廩上庠下庠夏校殷
序三雍以興文王都豐有靈臺辟雍武王都鎬
有鎬京辟雍皆以敦化善俗振民育德

皇上循

垂裕之

成憲光復且於

重明紹天闡繹單心緝熙于聖合符萬流仰鏡猶且

躬莅澤宮橫經講貫發聖學之綱領體咸臨之貞吉
用以新民德而廣教思止善故德盛有容故德
大此宜歌者八也

太上皇帝壽考作人化成久道開制科舉經學春秋
登俊四十餘科熱河安西皆立學校川無淪玉
野無伐檀

皇上肇登大寶首開恩榜增鄉會試中額及弟子員
興廉孝之舉廣選造之途苗民之秀者尙欣欣

思泮水之樂守吏旣爲之上請矣翩彼飛鴉懷
我好音視期門羽林咸受經業者廣隘何如化
成之盛實基諸此且所謂至德敏德孝德以教
天下者莫不夙夜勗茲以

躬先之是以天下是訓是行近

天子之光洵可以通德神明同飭天地此宜歌者九
也昔葛天氏之樂也八士操拊而歌八章一曰
載民二曰元鳥三曰遂物四曰奮穀五曰敬天

常六曰達帝功七曰依地德八曰臨萬物之極
蓋各爲題目以歌詠馨烈少昊氏之九淵高辛
氏之九招始以九紀虞氏因之蕭韶九成九成
者言九德也九成之樂辭曰舟張辟雍鷁鷁相
從八風回回鳳凰喈喈樂成而朱鳳至也然則
有虞氏已稱辟雍授受之代厥典綦重夫有榮
懷之慶者必有恢蕩之音有時雍之理者必有
蘇平之奏然後豐功駿德炳耀穹壤臣幸觀

盛儀抃舞詠蹈不能自已謹擬九成之辭以歌

天子之九德一曰

授受二曰

尊養三曰昭事四曰紹衣五曰勅

天命六曰固邦本七曰告武成八曰揆文教九曰成

萬物之化仿葛天氏之歌之意而諧諸雅拜手

稽首獻焉其辭曰

圓流

辟雍創自

聖皇紹嫡之隆廓姬之疆萬福億祉願符

上蒼治周攝提以

授元良我

皇受之

舜子

堯父牖我下民斯匡斯輔匡之維何陳彼紀綱輔之
伊何敘彼五常有嫡之興雍歌成章惟

皇緝熙作人用光

一章

直聰惟

皇協于文思止敬止孝作

君作

師以天下

養罄無不宜以天下

尊如天巍巍陋儒泥古更老異說

聖闢其謬禮本昭揭至德要道曰以孝治凡爾庶士

毋忘陔詩凡厥庶民純其藝中菑大昕鼓徵申警爾
斯二章

明明在上牖民孔易

天監在下小心昭事何以事之惟誠不貳惟敬作所
惟中和是致

聖有先覺先覺覺民圓橋觀聽各懋日新

天錫

皇帝聰明睿知典學尊師盛禮咸備禮備學成於論

在肆於樂

辟雍代

天勅茲

二章

猗與我

朝道隆

先聖五王追爵三獻著令肅肅拜跼黃屋翬映周範

敦翼宮懸笙磬

詔稱

躬詣冊不絕書集鼓勒經爲多士模惟

後先合揆克紹厥盛伊昔初元

親祀昭敬祖述憲章敷我文命

世德作求洽於民聽

四章

敷天之命一日二日萬幾中昃不遑食未明求衣昭
哉嗣服輦丕丕基祇適

纂訓以式九圍

乾德剛健高明悠久從心不踰矩

億旬初九嬀傳心法始著危微孔演厥旨溯堯日咨
協于克一聲教四馳自南自北自東自西

五章

惟民生厚因物有遷既富方穀皇極之敷言正供五
免漕糈三蠲賑廩復租動逾萬億千既富既教以貽
天子瞻彼比屋盈止寧止

皇曰保惠曷有極焉予宅而宅予畋而田沐我洪輿
報我豐年明我乂民歸我蕩平

六章

有崔者碑載告膚公自朔漠青海冒丹穴太蒙繫金

川再犁西域壹戎隴種東籠歸我熏幪於赫

聖武

皇纘其緒執訊連連苗頑卽敘

皇帝撝謙弗肯勒功昭哉義問暢以仁風溥天率土

莫不來同來同德讓于彼西雍

七章

春風載柔春日載陽濟濟多士槐市成行

駕六提羽祇車雲翔

睿容有穆莅于宮墻獻爵舍萌籥舞笙鼓旣備旣戒

式禮卒度迺

臨辟雍辟雍湯湯命彼師儒秩節是詳金聲玉振

聖謨洋洋猗與

右文雲漢爲章

八章

惟

受命溥將惟

尊親衍慶惟顧諟克敬惟通駿有聲惟優優布厥政

惟熙熙和厥氓德威惟畏德明惟明九德成事黎民

敏德教思無窮用錫爾極上及太清下及太寧惟

帝光被而天下化成九成者韶九招者瑩臣作九雅

以贊龢平九章

臨雍講學樂府六章謹序

文寧

嘉慶三年春二月

天子幸太學

親釋菜於

至聖先師遂

臨辟雍講學禮也於時晨暉疊旦光華藻朗朝野莘

莘上舞下歌誦聲洋溢

臣

忝列詞垣躬承

講幄敬聆

睿說明大學之綱領闡臨卦之象義天德王道備於
御論兩篇因而紬繹

太上皇帝之經說發明義理啟迪羣生

心法相傳執中含契

皇上淵體沖和以

聖繼

聖因

聖人之所以教而后知

聖人之德之大與

聖人之福所由致元日

上儀凝承

寶命覃布

恩言合萬國歡心以朝正上

壽萬福雲萃屬禔曼義繩契以來曠古一會至若昭
事

上帝寅迪

前光熙績釐工網維治洽皆本朝夕

誨言以成此

昌會綜至德之要筦上治之樞蓋不外乎明德新民

教思容保之義臣管窺蠡測無以擬諸形容竊

不自揣櫛昧敬撰樂府六章用漢代采詩之名

比周官教樂之數前五章以類分系後一章爲
合樂謹案虞書稱典樂教胄子月令稱仲春之
月命樂正習舞釋菜天子乃帥三公九卿諸侯
大夫親往視之是古者視學必有樂歌而其觀
禮之人則自親者貴者下逮有司及習射之士
靡不與焉臣是以準諸經義分別臚陳其目亦
以見萬類合志矢口聽音以導揚

聖天子盛德於萬一謹拜手稽首以獻

時則天施之屬玉林之實疏派靈潢宗枝峻茂者咸
翹懃懃舞矚光揣耀首鬯厥辭進而歌

祥源濬之歌曰

祥源濬兮泝混同嚠

厚德兮洽

豐功超軒轅兮廿五宗被章服兮

寵命隆

帝視學兮四術崇觀

懋禮兮金枝從駿奔走兮仰

天容聞

御論兮開羣蒙闡微言兮大旨通成翹秀兮鳳集桐
支幹茂兮附華嵩萬萬世兮

蕃祉融

時則五等六官三台九列越庶司百執事儀儀師師
環

宸分職莫不竭望望之思以抒寫懽忱於是進而歌

幬萬物之歌曰

幬萬物兮

皇心稟

堯父兮惟時欽中衢尊兮酌斟斟酌兮無竭曰

懋典兮春二月用吉丁兮詣

聖庭時薦醴兮德馨鏘鐘宣兮衆樂奏羅山蕭兮備

籩豆

告幣畢兮

講幄開

御論闡兮貫三才緣督爲經兮大道駭
教澤廣兮於九有近

宸居兮蒙

育覆億萬年兮頌

曼壽

時則曲阜後裔膺上公之爵率其族人越四氏十哲
子姓順時觀禮儼容欽愉進而歌

聖道昌之歌曰

聖道昌兮文治洽
恭逢

盛典兮

教澤浹臚
禮制兮仰

聖皇

幸闕里兮祀肅將

頌周器兮瓦用黃攷古制兮煥

天章正名實兮垂典常

肇建辟雍兮圖流泱泱合樂釋幣兮禮再行

宣講大義兮

聖謨爲經我

皇承

訓兮時舉禮際熙治兮綏

福履躬承

嘉會兮

聖教宣頌

太平兮萬萬年

時則國子之師司成司業帥其弟子高才都長觀書
察理雅步詳思涵泳

聖涯進而歌奎曜明之歌曰

奎曜明兮

文教彰兮

道洽政治六經昌兮穆穆

天子育羣生兮選賢掄才培菁英兮

詔開蕊榜中額廣兮翳爾多士登天闔兮二月吉丁
盛典行兮

乘輿親蒞於學庭兮乃

御講筵陳大經兮陶鑄衆說迪萬靈兮我

皇敬德延光榮兮登三咸五莫與京兮

時則期門羽林軍鋒之冠各率其所屬折節玩義累
抃迭和進而歌安平泰之歌曰

安平泰兮

崇文文有職兮武有勲職不同兮道一守禮義兮以
爲質觀

典禮兮

教化宣頌

帝德兮暢垓埏

膚功奏兮耀戈鋌衝軻息兮馳轡軒地區謐兮涌榮
泉泝泝滋液兮

恩膏延音馘馘兮流遐壖

時則觀禮之士各以其意分類系咏方將并辭暢音
數寫中誠咏歌

德教以爲合樂之章於是進而歌春祺溥之歌曰
春祺溥兮樂豐年衍

嘏緒兮奉

聖顏奉

聖顏兮臚羣歡際

嘉會兮神祇喜燭吉日兮行

典禮行

典禮兮

寅紹

親釋菜兮於

文廟

臨辟雍兮陳治道

睿論昭兮朗二曜澤我德禮兮彬我詩書絢繹

至教兮挹之有餘拔濯奮修兮寐寤感忱非惟近

光兮迺聽同心海隅山陬兮以莫不欽歌誦

盛德兮効轅韶之吟

臨雍講學樂歌六章

謹序

周系英

臣聞樂者學之成歌者舞之節繩契肇啟傳習
無徵逮乎軒皇通德觀文謳吟斯作虞書典樂
教胄子解者以爲與學相通周官樂師教小舞
論者以爲與歌爲合凡皆所以陶咏性情宣壘
醇懿帝王教民之具緣督爲經勇揚善氣道莫

先焉是以擇吉合樂載在月令而五經通義亦云天子臨辟雍者以行禮樂明教化導天下之人使爲士也欽惟

皇帝陛下睿學淵純中和備體祇承

太上皇帝彝訓以宣播藻朗

錫福同民

聖仁至而樂德全神人喜而歡歌洽嘉慶三年仲春之月

駕幸太學

行釋菜禮遂

臨雍宣講

御論一時橋門觀聽者莫不儼容沉思中心誠服仰
惟

聖人參古定制

詔建辟雍核實審名前代未有博依操縵之士茲焉
游息以育其德匠成翹秀宙合風行

皇帝親受

心傳敬循

初典體性道以合揆薦馨香以崇德闡揚六經敦勸

髦士延光於萬禩比榮於三五覓哉穆乎斯

至德之盛軌矣

臣躬承

昌會勉効衢謚竊謂成均之法肇自黃帝而大司樂

以六代之樂教國子亦始雲門自嬴劉而後古

樂無傳其名具在學士之所講肄經師之所疏

釋衷諸舊典義訓可稽是用比聲詮句擬譌六
章采周禮之古名揚

熙朝之景業義通喜起之廣颺數合靜馥之解詁

臣

曷勝翹勤抃躍之至其辭曰

於懿

聖德昭如慶雲兮和氣沈塞網緼成文兮萬物遂生
達無垠兮譽髦斯士造禮門兮爰建首善樂成均兮
吾

皇尊師舉精禋兮高山仰止景行行兮述

典興學播

皇仁兮

右擬雲門大卷樂歌第一

顯顯令德受

天百祿兮風猷普徧衆才育兮

睿論煌煌照朗旭兮典稱光被首親睦兮平章協和
化民俗兮由繹

聖文陳大學兮教思容保義揚摧兮非惟言之

躬行卓兮承

訓迪

光敷錫福兮自西自東自南自北無思不服兮

右擬大咸樂歌第一

元日

上儀膺

寶命兮朝夕

誨言

親訓政兮方諸勲華

今更盛兮

文思稽古日躋敬兮於樂辟雍名賢稱兮道德之富
協瑞應兮我

皇敬紹惟篤慶兮大昕鼓徵警衆聽兮髦士奉璋砥
修行兮恭承

陶育榛楮詠兮萬類泯泯各得性兮

右擬大磬樂歌第三

於昭

聖德格神祇兮河流若鏡安羣黎兮惟禹敷土錫元
圭兮惟

帝德同之

文命施兮惟民懷

德多土宜兮菁菁者莪樂且有儀兮浸濤

恩膏被無涯兮於萬斯年頌

蕃釐兮

右擬大夏樂歌第四

帝德廣大

保乂民兮民各得其所樂聞聞兮以保以受以賙以
賓兮司徒教行道藝分兮宗伯禮行玉帛陳兮於論
鼓鐘仰

睿文兮於萬斯年

福縣縣兮

右擬大濩樂歌第五

元后建中惟篤祐兮作

君作

師風聲樹兮蠻貊率俾

德施普兮貢契獻雉臣率土兮除莠衛良爰暨旅兮
天威遠揚璜璜武兮迺播

文教典儀舉兮莘莘俎豆習樂語兮萬年太平戴

聖主兮

右擬大武樂歌第六

駕幸翰林院樂詞六章

謹序

戴均元

皇上御極之九載甲子應期中外禔福宇宙榮鏡圖

書亮章上景

前徽仰答蕃祉迺以二月三日

駕幸於翰林院盛典斯舉

文治用光自王公大臣以及百辟卿士羣情啟啟莫

不愉悅暢

皇風於賦頌宣

上德於歌詩盛哉鑠乎無可復贅已

臣

聞宣德以詩

導和以樂出豫爲象靜謐之制興焉相悅以解
徵角之招作焉九序永治乃合韶箎之成八風
循通始應承雲之節矧夫天地之數肇於甲子
甲子之律協於黃鍾宣陽開符萬物遂生月日
時由此而推度量衡胥立之準謹案樂動聲儀
曰歲在闕逢十一月夜半子爲天時之始宜制

禮作樂其斯之謂與先是甲子之月履端之辰
天子有事于南郊葆佾肅雍陶匏馨潔

昊穹眷佑魄寶昭臨是日也日麗彤精天澄翠色七
曜開朗二氣宣明圜鍾諧孤竹之音大呂叶雲
門之舞此卽和風入律祥雲千呂之明徵也茲
復鴻醑合樂文喜開筵

睿藻抒華縵慶霄之五色

帝歌拊節鏘儀鳳之八音官聲則春溫商聲則廉折

同協賡颺大臣爲坎舞小臣爲衍歌共相礪礪
按結風之奏芝房與寶鼎偕呈譜調露之章赤
雁與斑麟並下昭華驗琯吹之而寒暑可平榮
瓊製音聽之而民人皆壽聲教洽矣治化隆矣
信可以揚風肄雅作樂崇德者與臣未習登歌
謬專典樂同漢時之制氏但記鏗鏘異河西之
竇公能通律呂逢章部之紀元數典宜探夫物
始媿伶倫之比竹識微竟昧於音初唱擊輪轅

鼓縻韜全預玉署瀛洲之會獻桂華都荔之詞
敬按舊譜擬樂六章極知蕪陋無可觀采吹笙
鼓瑟用宣鳴鹿之樂心蹈德詠仁竊效靈解之
鼓腹干瀆

天聽曷任兢惶

祥雲耀泰階鳳蓋華旗

輦路開珠斗接三台

天語從容泛玉杯多士幸親陪思黼黻勉蘭臺嘉禮

萃英才儲魏丙詔鄒枚

右擬隆平之章

丹莫繞臧華平生于庭不如髦士爲

國楨衆仙翱翔游

玉京朝夕論思奉揚休明

右擬慶平之章

恩光到處皆春融萬彙荷

栽培

天門詆蕩開五色雲車捧日回
庶尹樂方諧拜華綺
奉金罍

文思暢八埏歌振鷺頌臺萊

右擬顯平之章

文物京華盛雨露涵濡慶康時
仙侶集蓬壺麟臺虎
觀盡鴻儒柯亭劉井覬容與鳴
劍珮曳瑀琚趨踰迎
玉輅幸宏開祕府槐廳五色卿
雲護盈盈一水瀛洲
路鈴語玲瓏徐吐

禁禁森嚴爐烟暖駐

一解

欣覩欣覩仲春初太平

天子莅鴻都和鸞綬向花間度聽雞人絳幘傳呼詞
林曠典古今無徧紘埏

德化覃敷

二解

心源遐向中天溯賓門詢岳嗣唐虞欽若惟稽古鴻
風魚壑氣相孚權忻鼓舞小大成鳴豫咸鳴豫如祥
嘒十二叶笙竿

三解

况我

朝

列聖元模炳珠囊重道崇儒懷瑜握瑾獻璠璣渾不

數廣成綠圖

四解

聖學淵深包四庫啟苞符

講幄分光味道腴衍圖書雕龍吐鳳羅芸署

訓行錫福煥訐謨煥訐謨淳風熙皞躋三五

五解

鏗鯨鐘鳴鼉鼓震碎匄璀璨華筵布具千帛

賜大酺荔枝盧橘出

天厨飲鎬樂依蒲

六解

簪筆承明雍容奉

御管窺螽測慚詞賦樂燕喜效鳧超咏風飄誦露滑
周甲運璇樞億萬斯年宣

重光綿

景祚

七解

濟濟冠裾勉思展布家丞席子延休譽期報

國乃真儒咏風飄誦露潛周甲運璇樞億萬斯年

宣

重光縣

景祚

八解

鑒輿一幸

恩輝溥喜和氣彌綸布濩彩鸞集文林華芝生藝圃

趨辭

右擬文物京華盛之章

延閣雲濃槐廳風細

天顏喜春滿蓮池湛露濃如醴

一解

金門清祕高瞻

玉座正

朝儀看禮成肅穆更樂奏雍熙錦斑爛

輦路飛芝蓋玉青葱瑤階颺鳳旗開碧沼新浮萍綠

傍雕闌初染桃緋香凝

寶幄彩映瓊卮

二解

天祿儲才際

盛時勵清華品在斯

天書烏奕煥雲楣應知器識先文藝在公夙夜宜勤
思西清備職司須儲獻納資更浚明亮采交礚礪三
階正萬方治

三解

廣舒

國華文在茲

昌期應鼓吹會風雲文人遭遇奇步花輓宮日麗直

瓊扇卿月輝攜玉尺使星馳

四解

問金鰲背上神仙位孰躋有嚴徐待

詔娜嬛祕笈窺更高文共推鋪張司馬枚譜饒歌賀

太平啟福祥召靈瑞羣生遂嘒嘒春祺

五解

慶良時百福綬花覆霞杯柳染仙衣應不數纈袍被

體更休誇蓮炬相隨

六解

鵲鸞侶振羽儀蘭生百末流香氣薰玉膾嘗珍味芙

蓉

闕下球琳萃蓬萊海屋又添籌金支翠羽

恩光被

七解

恩光被慶受釐六筐星朗奎垣啟西園東壁聯新製
琅玕作紙珠排字蓬萊海屋又添籌金支翠羽

恩光被

八解

玉堂仙署宏起沙隄禮明樂備上繼

前徽

宣聖崇祠

親致虔祈昭示淵源符契

命從官祀昌黎緼豫齋夔

馨烈鴻儀

天錫福我

后承之守心傳精一危微亶

聰明兼作君師

恩覃六合光文治勤求上理惟日孜孜

九解

朱草培華桐植醢醢香連椒桂魚藻鳧鷖燕飲遲木

天欣荷

恩私喜聯翩鴻漸雲遠拜手夔龍集鳳池耀華纓采
綏咏羔羊素絲拔茅共慶野無遺

趨辭

右擬延閣雲濃之章

玉署延英主組盈廷

法駕莅蓬瀛閣敞雕甍戶啟雲扃壺中春倍鮮明香
焚寶鼎添猊篆鳥嘯歌筵雜鳳笙

大禮成荷

殊榮斯時文苑同慶

一解

玉堂北拱

皇居正甄陶羣類歸

金鏡持盈保泰箴明盛勞來振德興民行

崇文政教醇

稽古規模稱一朝異數騰英雋

二解

多幸朝野滋豐樂太平待

詔靜金鈴鵬向雲升鳳集岡鳴鵲玉液擷朱櫻垂青

紆紫

龍光近凜先資拜獻

彤廷奉嘉肴味太羹啟黃封分綠茗

三解

斟雉饌香浮玉鼎寫鴛漿味溢銀罍萬鍾千品列芳

馨永今日野之萃

四解

五三六經文籍縱橫赤文綠字燦光晶詩評史評浣

花編集箋詩聖縹緗祕閣開精蘊藜火光分太乙靈

共擁書倉坐百城

五解

金聲玉振仰

天藻星雲輝映華
燁煥炳如五緯連珠麗東井
儒林嘉惠垂謨訓
共禹碑宣碣茂實英聲並
震詞鋒筆陳
尙期學海同流仰窺

淵峻

六解

頌

賞慶宣

恩命羅列蜀錦齊
統宮衣共被榮銅雀
遺軼青州貢

石

旌賢許拜登萌生惠浸喜

闡揚文教廣收翹俊

七解

堪慶侍華筵隨後乘發吟咏

天章迅柏梁應制颺拜載賡期億載永清大定備位

冰銜思共稟謁金門共翔步鳳掖鸞省

八解

海宇澄瑩玉衡正景星明藎莆敷華六膳清晝漏稀

聞奏咸英頌

聖世帶礪長寧引領詞臣仍望

幸
趨辭

右擬玉署延英之章

駕幸翰林院雅十篇

謹序

鮑桂星

嘉慶九年甲子春二月癸亥

皇上幸於翰林之院式

舊典也我

朝自天聰十年建

丙三院順治元年定翰林官秩

高宗純皇帝以乾隆九年甲子舉

臨幸之典

皇上紹統用纘

先烈

錫宴賦詩申賚如典禮

特賜榜書二示儲材勵品至意

欽頒

純皇帝御集太學石經敬謹尊藏又

頒味餘書室全集九家注杜詩人一部

臣

以中允與

分韻三十八人之列

殊恩異數誠抃誠悚考之周雅如鹿鳴天保卷阿旣
醉諸所揚摧恩明義美唐柳宗元有平淮西雅
明王世貞有明雅皆以今事脗飾古義彬蔚可
觀不揣樛昧研竭蠡管謹擬雅詩十篇拜手稽
首以獻

於昭美作求也

聖清右賢崇化

世有作求也

於昭

聖清

世德克型篤生

文皇奮厥天聲濬滌盪沃以揮腰腥載橐琬戈載建
子旌登能進賢

內三院是經

章皇紹之有文炳升

一章

於昭

章皇奄有方夏手斲猘猱投絕轡之野鬻燠以澣刃

癰以拊以庸宅俊以對于天下選儒班爵裳韞黼黻

仁皇紹之益揜羣雅

二章

於昭

仁皇惠聞不已旣或三擘亮績熙采學士大夫泉左

右史讜論閎說翼翼濟濟亦越

憲皇克嗣厥

美

詔開詞科淹閱踰載

純皇紹之以光于四海

三章

於昭

純皇踵

聖祖徽

鴻祚錫羨邁登軒義

御龍九霜甲幹子文金根秀華賁于瀛池以采唐風
以餘聲詩以几以筵以章我

帝暉我

皇紹之屬車其來

四章

右於昭四章二章章十二句二章章十四句

允文頌文德也

聖人纘

緒九載貞百度敕萬幾敷文德而化成也

允文維

皇顯統恭命克寬克仁爰哲爰聖

聖德霄穹

聖懷谷冲兢兢業業愉愉雝雝鬱積昭融肆

鴻號靡窮

一章

允文維

皇繩武迪德宵旰乾乾繄

寶訓是式趨紹于庭立矚于牆旣寅旣獲旣鮮旣臧

介純撫龐肆

休烈用光

二章

允文維

皇載勤民依褐暑絺寒暝禱溢祈百辟卿士或遣或

諮則莫我敢諷以平以成以穉以穡肆

皇天弗違

三章

允文維

皇載葳武功霆挺電申八年之中去其蠹蝨及其蠹
蠹則莫我敢訐載夷載降載暘載風礪衡帶江肆

大猷式崇

四章

允文維

皇懋昭文治百工丕釐官察民乂疏爲洽風蒸爲惠

氣則莫我敢盭無侮無禦無側無陂講道興藝肆

茂典其肄

五章

右

允文五章三章章十句二章章十一句

奕考工也

天子將幸翰林

命有司考工焉

奕奕翰林
淦之宋之
懔懔司空
亟其成之
匪司空是
亟

天子其泣
一章

奕奕翰林
黜之獲之
懔懔司空
尋之度之
匪司空是

度

天子其作 二章

亭有柏其葉蕤兮其葉蕤兮勿翦其枝兮 三章

井有泉其流涓兮其流涓兮勿壅其源兮 四章

篋有文其光屬雲河英洛靈圖書之淵 五章

橈有書其積如林郭乾橐坤帝王之心 六章

右奕六章二章章六句四章章四句

天章爲章于天也

先聖

後聖重光宣也

於旄天章榜于雕栢曰

先皇之書我

皇撫之龍轡鳳跣

一章

於旄天章鑣于復恩曰

先皇之詩我

皇續之金舂玉輝

二章

於旄天章奔于緹襲曰

先皇之集我

皇恢之淵出電入三章

右

天章三章章五句

吉亥時之吉也

天子幸翰林歲在子日在亥纘

先皇之燬庚纘而不已也

吉日維亥維歲之子仲春之首

皇纘

皇嫔周則復始來游來瑩

一章

吉日維亥維月之朏仲春之始

皇纘

皇嫔有纘無已來游來止

二章

皇之來于左之掖旃日旂月鸞聲鉦鉦

皇纘

皇媿德音無沫來游來說

三章

皇之來于東之瀛千官跼迎有靡其纓

皇纘

皇媿式昭德馨來游來寧

四章

皇之來于

孔之堂左盛右房舜升其香

皇纘

皇媿覲聖于羹來游來康

五章

皇之來于壁之府章堯碣禹如自天雨

皇纘

皇嫫肆用稽古來游來茹

六章

昔

皇之來冬陽載暉今

皇之來惠風其芬陽則我戴芬則我佩萬有千歲逢
此

昌會

七章

昔

皇之來庭木纖摻今

皇之來木已百尋修修茂陰交交好禽含和吐音以

說

皇心

八章

右吉亥八章二章章六句四章章七句二章

章八句

矢音歌以矢音也

君歌臣賡媿唐虞之盛焉

皇矢其音際于九霄

大言觥觥戛音鏗韶疇哇而鄭疇雜而猷

皇則正之德音孔昭

一章

皇矢其音聞于九野

大言恢恢天陶地寫疇叩以莛疇應以瓦

皇則進之和者毋寡

二章

昔在李唐說也實鳴逮我

純皇二老載賡

舜絃夔球宮徵八絃

皇則嗣之億載同聲

三章

右

矢音三章章八句

觥觥式燕也

慶行化洽上下相燕樂也

有觥者觥酌言獻之有醕者醕自

天衍之自

天衍之式燕以喜韡韡華鄂詵詵鳳羽

一章

有觶者觶酌言醕之有醕者醕自

天受之自

天受之式燕以樂雍雍繡裳孳孳赤舄

二章

炮牂擣珍旣旨且嘉或肴或核旣庶且多自

天申之式燕以饁大圉雲鋪大矩露胥

三章

何以侑之雲門下謀何以娛之吳歆越謳謳亦作止

歌亦闕止式燕懌止

四章

何以

錫之琳瑯綈裘又何

錫之織文五色織文絢止琳瑯粲止式燕歡止

五章

右觶觶五章三章章八句二章章七句

椅桐儲材也

國家

積澤累仁而賢才蔚興焉

薤薤椅桐琴之瑟之烝烝吉士圭之芾之

一章

爲目爲耳爲肱爲股爲喉舌心膂烝烝吉士絜

皇之輔

二章

爲羹爲粢爲輿爲楫爲瑚簋梲厥烝烝吉士絜

皇之翼

三章

爾髮其皤矣爾背其駘矣烝烝吉士俾爾戢而艾

先皇之遺矣

四章

爾春其柞矣爾秋其穫矣烝烝吉士俾爾秀而實

先皇之殖矣

五章

先皇之殖

皇嘔煦之既嘔煦之又汜布濩之

六章

先皇之殖

皇蘊崇之既蘊崇之又厚培攤之

七章

右椅桐七章三章章四句四章章五句

西山之石勵士品也士品端則人心正矣

西山之石疊彼巖阿爾璆爾璧是礱是磨匪磨弗瑩

匪磐弗成

皇曰欽哉百爾君子靡恃爾所生

一章

西山之石疊彼巖側是磐是磨爾璆爾璧匪璆伊抱
匪璧伊縹

皇曰劬哉百爾君子忠信以爲寶

二章

母飾爾車飾之則敗母撓爾棟撓之則壞

皇曰戒哉爾予飲食爾予教誨爾黼爾黻母褻乎其

外三章

皇曰有學士

皇曰有詹事

皇曰有庶子

皇曰有太史爾母鑣條爾母夸毗母訐母詭母垢母

泮以光我黼黻

四章

右西山之石四章章九句

多祜受多祜也禮成樂備

朝野驩說中外祉福受多祜于萬年也

秩秩多祜其多如雲如雲如霏溶溶紛紛

皇曰寅旃

錫祜者

天商敬而躋姬畏而縣夙夜敢不虔

一章

秩秩多祜其多如山如山如川委委延延

皇曰祗旃

篤祜者

祖仁滋而膏義斷而斧夙夜敢不俯

二章

昔在

純考位賢興能維日兢兢臬革而鵠萊闢而膳肆多
祐是膺予一人嗣興若涉春冰夙夜敢不愬

三章

咨爾卿士釗哉弼予今日之燕母曰譽處母曰笑語
紹

純考之績若

天恭

祖開文戢武肆萬年多祐

四章

咨爾卿士敬爾在官今日之詩母曰纂言母曰告歡
誦

純考之芬恭

祖若

天戢武開文肆多祐萬年

五章

右

多祐五章章九句